

JUBILARNA SKUPŠTINA SITJ  
POVODOM PROSLAVE 25 GO-  
DINA POSTOJANJA I RADA  
DODELJUJE

**POVELJU**



SAVEZU

GEDETSKIH INŽENJERA I GEOMETARA  
BOSNE I HERCEGOVINE

ZA IZVANREDNE ZASLUGE  
NA OSTVARIVANJU CILJEVA  
I ZADATAKA SIT JUGOSLAVIJE

U BEOGRADU 18. JUN 1971.

PREDSEDNIK





## 25-GODIŠNJICA RADA SIT-a SRBIH

### POVODOM JUBILARNE PROSLAVE RAZGOVOR SA PREDSEDNIKOM SGIG-a SRBIH ING. FERIDOM OMERBAŠIĆEM

Pitanje: Savez inženjera i tehničara SRBIH proslavlja jubilar-  
nu 25-godišnjicu rada. Kakvog je učešća uzeo Savez  
geodetskih inženjera i geometara BiH u toj proslavi?

Odgovor: Mislim da je pitanje aktuelno i treba mu dati odre-  
đeni publicitet radi upoznavanja šireg članstva Saveza IT.  
Svoj srebreni jubilej organizacije inženjera i tehničara obi-  
lježavaju nizom manifestacija, počev od jubilarne 25-godišnje  
skupštine, proglašavanjem dana IT - danom "Slaviše Vajnera-  
Čiče", otkrivanjem biste "Slaviše Vajnera - Čiče" u domu in-  
ženjera i tehničara u Sarajevu, zatim svečanom sjednicom na  
kojoj je evociran predjeni put i razvoj kada su predate i po-  
velje počasnim i zaslužnim članovima Saveza IT, te izdavanjem  
jubilarne publikacije u kojoj je dat prikaz i rad svih struč-  
nih Saveza. U sklopu svih tih postignutih uspjeha organizaci-  
je Saveza IT Bosne i Hercegovine treba gledati i rad našeg  
stručnog udruženja čiji je prilog bio veoma zapažen. Naš Savez  
je inače za uspješan i plodan rad dobio i "Povelju" od  
Saveza IT Jugoslavije. Takođe je jedan broj naših članova  
proglašen za počasne i zaslužne članove društva IT Jugosla-  
vije i Bosne i Hercegovine.

Pitanje: Vjerujem da bi bilo nepravедno a da se ne spomene  
ovom prilikom da je naše staležko udruženje proslavl-  
lja 50-godišnjicu rada i postojanja

Odgovor: Stvarno bi bilo nepravедno govoriti, ali mislim da  
srebreni jubilej prije svega treba shvatiti kao 25-godišnji-  
cu rada inženjera i tehničara BiH u poslijeratnom periodu tj.  
njihov rad u Socijalističkoj Federativnoj Republici Jugosla-  
viji. Inače prema podacima sa kojima naš Savez raspolaže prva  
Osnivačka skupština udruženja geometara održana je u Zagrebu  
15.februara 1919.godine. Kako će ove godine i naš Savez odr-  
žati jubilarnu godišnju skupštinu to će jubilej biti dvostruk  
tj. srebreni i zlatni te mislim da ćemo tom prilikom evocira-  
ti uspomene i nešto opširnije reći o tome. Treba napomenuti  
činjenicu da smo o tom zlatnom jubileju nešto odredjenije rek-  
li u Jubilarnoj publikaciji, našeg Saveza.

Pitanje: Obzirom na jubilej, a tom se prilikom obično govori  
o onome što se je postiglo - šta je značajnije naš  
Savez uradio i poduzeo u prošlom periodu?

Odgovor: Ima dosta primjera aktivnosti i rada našeg staleža

i mislim da bi nas to odvelo suviše daleko, te predlažem da se po mom sudu izdvoje samo najznačajnije akcije u ovom 25-godišnjem periodu.

- Savjetovanje o primjenjenoj geodeziji (22-24.marta 1961.godine),
- Dva savjetovanja o stanju katastra u Bosni i Hercegovini,
- Savjetovanje o produktivnosti rada,
- IV Kongres geodetskih inženjera i geometara Jugoslavije 6. novembra 1968.godine u Sarajevu,
- Skupština Saveza geodetskih inženjera i geometara Jugoslavije 1968.godine,
- Stručna izložba i sastanak FIG-ine komisije za katastar i procjenu zemljišta (11.aprila 1970.godine),
- Osnivanje Više geodetske škole u Sarajevu,
- Zapažena je akcija ovoga Saveza pri donošenju Zakona o programiranju i finansiranju geodetskih radova,
- Izrada studije i projekta za premjer grada Sarajeva,
- Informacija za formiranje jedinstvene geodetske službe u gradu Sarajevu,
- Informacija o potrebi kartografske djelatnosti u BiH,
- Zatim pokretanje akcije za prerastanje Više geodetske škole u Geodetski odsjek na Gradjevinskom fakultetu,
- Isto tako rad Komisije za štampu je zapažen tj. ovaj Savez izdaje "Glasnik" koji je besplatan i izlazi u oko 500 primjeraka.

Ovo bi bile najznačajnije i najkrupnije akcije ovoga Saveza. Neosporno da za realizaciju svih ovih zadataka velika zasluga pripada prije svega svim članovima, posebno počasnim i zaslužnim. Nadalje, velika pomoć i saradnja u realizaciji ovih zadataka je i svih geodetskih institucija u gradu Sarajevu, a i na području naše Republike. Takodjer treba istaći i blisku saradnju i puno razumijevanje svih stručnih, društvenih i društveno-političkih faktora u izvršenju navedenih zadataka.

Pitanje: Savez ima nekoliko podružnica na području Republike, kako su one povezane sa Savezom i šta možete reći o njihovom radu?

Odgovor: Savez ima četiri stalne podružnice i to u Sarajevu, Mostaru, Tuzli i Banja Luci, istina tu imamo još i Zenicu i Brčko. Mislim da to pitanje tj. povezivanje Saveza u članstvo

nismo uspjeli najbolje riješiti. Bila je sa strane Saveza i inicijativa da se na području Republike u svim većim centrima osnuje podružnica, nažalost ta akcija nije dala određene rezultate. Isto tako u zajednici sa opštim društvom inženjera i tehničara BiH bilo je pokušaja da se u većim mjestima osnuje opšte društvo inženjera i tehničara gdje bi se uključili svi inženjeri i tehničari sa tog područja. Ta akcija je samo donekle urodila plodom. Mislim takodje da je to jedan od najaktuelnijih i najvažnijih zadataka Saveza. Ako se sjećate na zadnjoj godišnjoj skupštini smo takodje govorili o ovom pitanju. Zelja nam je bila da preko predsjednika podružnica koji su članovi Predsjedništva aktueliziramo taj problem ali moram reći da zbog nedovoljnih finansijskih sredstava nismo u mogućnosti da se sa njima češće sastajemo i tražimo najprikladnija rješenja na tom planu. Što se tiče rada podružnica moram reći da je on dosta slab. Izuzetak je svakako Sarajevska sekcija koja je i najbrojnija i čiji je rad i rezultati za svaku pohvalu. Mora se konstatovati da za to ima i objektivnih razloga ali ipak rad te Podružnice je primjeran. Ostale podružnice nisu postigle po mom sudu nekih zapaženijih rezultata. Osim ubiranja članarine i pretplate na Geodetski list nema drugih akcija.

Pitanje: Koja je sada akcija najaktuelnija koju poduzima Savez?

Odgovor: U svom programu rada Savez je na zadnjoj sjednici proširenog Predsjedništva dao okvirni program rada Saveza u narednom periodu. Od aktuelnih zadataka rekao bih da je sada pripremanje godišnje skupštine dosta aktuelno. Medjutim, neposredno pred novu godinu Savez je Komisiji za ustavna pitanja dao prijedlog dopune ustavnih amandmana. Suština prijedloga se sastoji u tome da geodetska djelatnost treba da nadje mjesta u našem Ustavu. (Predlažem da se prijedlog iznese u Glasniku). Isto tako u tekuće zadatke treba dodati daljnju saradnju i pomoć oko rješavanja pitanja obrazovanja geodetskog kadra, posebno mjesto u tom pitanju je osnivanje Geodetskog odsjeka i postdiplomskog studija. Savez je takodjer pokrenuo akciju uz saradnju sa Republičkom geodetskom upravom po pitanju kartografske djelatnosti u Republici. Ta akcija je još uvijek aktuelna. U aktuelne zadatke u svakom slučaju treba uvrstiti i predstojeću normativnu djelatnost tj. što svestranije i šire uključivanje većeg broja članova kod donošenja predstojećih normativnih akata koji su prešli u nadležnost Republike. Na kraju da napomenem i uvijek aktuelna pitanja organizacionih formi rada i drugo.

Pitanja: Ing. Muhamed Šestić.

Odgovori: Ing. Omerbašić Ferid